

## 1536 desembre 22. Casa del Consell General

*Els representants del Consell General de les valls d'Andorra, tot revocant Bernat Vidal, d'Engordany, parròquia d'Andorra, i el difunt Nicolau Bonet, notari de Barcelona, com a procuradors seus, nomenen Jaume Ros, causídic de Barcelona, absent, nou procurador seu davant del lloctinent general del rei, de la reial audiència, de Clarià de Serra, doctor en lleis, conseller reial i relator de la causa, i d'altres relators, oficials i jutges, en les causa que enfronta les Valls amb Ferran Albert, senyor de Ponts, i altres persones per raó de les pensions de pontatge, passatge i castellatge que dit Ferran Albert imposava als andorrans.*

[O]. Original no localitzat. — R. Nota de llibre notarial, Andorra la Vella, ANA, TCN, núm. 304, fols. 13-14.

a. PUJAL; LLADÓS, *La Domus*, pàgs. 146-147.

In Dei nomine. Noverint universi quod nos, Petrus Martir Viciat, de Merxiell, Ioannes Regí, de Prats, consules, Bortholomeus Casal, de Canillo, Bernardus Ponsarnaut, consiliari parrochie de Canillo, Anthonius Pont, Bernardus Casal loci de les Bons, consules, Ioannes Areny, d'Encamp, Ioannes Mas, consiliari parrochie d'Encamp, Ioannes de Cella, Ioannes Plan, consules, Bernardus Plan, Petrus Pal, consiliari parrochie de Ordino, Raymundus Querol, Ioannes Giberga, consules, Ioannes Capella, Ioannes Torres, consiliari parrochie de la Massana, Guillermus Babot, Bortholomeus Ricart, consules, Raymundus Ribot, Bortholomeus Guiem, consiliari parrochie Andorre, Ioannes Beringuer, Guillermus Migavila, consules, Micael Albinyà, Gaspar Migavila, consiliari parrochie Lòria vallium Andorre, omnes predicti convocati et congregati ad sonum campane in loco Andorre Veteris, videlicet in Domo Consilii dictarum vallium Andorre, ad tenendum Consilium Generale dictarum Vallium prout iam alias pro talibus vel similibus negociis solitum est Consilium Generale tenere et celebrare. Omnes predicti Consilium Generale facientes universitatesque et singulares dictarum vallium Andorre representantes, omnes concordantes et nemine discrepante, circa revocacionem aliorum sindicorum et procuratorum nostrorum per nos actenus constitutorum, laudando primitus aprobando, ratificando et confirmando omnia et singula acta, gesta et procurata per honorabilem Bernardum Vidal loci d'Angordany, parrochie Andorre, Nicolaum Bonet, notarium quondam Barchinone, syndicos, actores et procuratores nostros dictarum

universitatum et singularium dictarum vallium Andorre et per quoscumque alios syndicos et procuratores dictarum vallium Andorre, gratis et ex nostris certis scienciis, nominibus nostris propriis universitatum et singularium dictarum vallium Andorre, de novo facimus, constituimus, creamus et solempniter ordinamus syndicos, actores et procuratores nostros universitatum et singularium dictarum vallium Andorre providum virum Iacobum Ros, causidicum civitatis Barchinone licet absentem tanquam presentem, videlicet ad agendum ducendum, tractandum, procurandum finiendum et fine debito terminandum omnes et singulas causas sive lites, motas et movendas inter dictam universitatem et singulares Vallium predictarum, agentes vel deffendentes ex una et magnificum Ferrandum Albert, dominum ville de Pontibus, et contra quascumque alias personas agentes vel deffendentes parte ex altera, racione seu pretextu pencionis pontagii, passatgii, castellanatgii per dictum Albert petiti in dicta villa de Pontibus quam ea que dictus Ferrandus Albert solvere fecit dictis habitatoribus dictarum vallium Andorre petere et habere necnom ad comparendum pro nobis, dictis nominibus, coram illustrissimo et karissimo locumtenente generali sacre, cesaree, catholice et regie magestatis civitatis Barchinone et eius regia audientia seu coram magnifico domino Clariano de [Serra], legum doctore, relatore dicte cause, regio consiliario in dicta civitate Barchinone, et aliis quibusvis relatoribus, officialibus, iudiciis et personis, tam ecclesiasticis quam secularibus, comissariis delegatis et delegandis, subdelegatis et subdelegandis, et si opus fuerit laudandum et ratificandum, confirmandum et aprobandum omnia et singula acta, gesta, procurata et enantata per iamdictos syndicos seu per alios in dicta causa dicti pontagii, passagii et castellanagii nomine nostro et dictarum universitatum et singularium dictarum Vallium coram dicto illustrissimo et reverendissimo domino locumtenente generale eiusdem sacre, cesaree, catholice et regie magestati in civitate Barchinone seu eius regia audientia et coram predicto magnifico domino Clariano de Serra, relatore predicto de iureque dictarum universitatum et singularium predictarum firmandum eaque pro inde obligandum necnon agendum, respondendum, deffendendum, excipiendum, proponendum, repliandum, triplicandum et ultra; libellum et libellos, petitiones et demandas, tam verbo quam scriptis, dandum et offerendum; lites contestandum de calumnia et aliter in animas nostras et dictarum universitatum et singularium eiusdem Vallium iurandum et, ex adverso, iurari petendum; testes, instrumenta et alia probacionum genera producendum et publicari petendum; crimina, defectus et alia contra dicta et personas, testium ex adverso producendum, opponendum, disputandum, allegandum, renunciandum et concludendum in causis et omnia que in littem fieri

requirantur faciendum; sententiam et sentencias, tam interlocutorias quam diffinitivas, et alias quascumque audiendum et ab ea vel eis a quascumque gravamine et processu contra vos, dictis nominibus, dictarum universitaum et earum singularium facto seu fiendo, cominato seu cominando, appellandum et supplicandum; apostolos petendum et recipiendum et appellationum [et] reclamationum causas prosequendum et finiendum, protestando quoque requirendum et movendum et protestatis et requisitis et monitis ex adverso respondendum, replicandum, triplicandum et ultra et inde fieri petendum et requirendum; publicum et publica instrumentum et instrumenta, emparas, oppositiones et sequestraciones fieri faciendum et eas, si vobis bene visum fuerit, cancellari consenciendum; sindicum et syndicos, actores seu procuratores, unum vel plures, substituendum et eum vel eos destituendum et revocandum quando et tociens quociens vobis fuerit bene visum; et generaliter omnia alia et singula faciendum in predictis et circa ea predicta quecumque utilia fuerunt et necessaria et etiam oportuna et que nos, dicti constituentes, dictis nominibus, et dicte universitates et singulares earundem facere possemus si personaliter essemus. Et volentes vos, dictis nominibus, dictum sindicum, actorem et procuratorem nostrum super predictis relevare ab omni onere satisdandi promittimus vobis necnon et notario infrascripto, tanquam publice persone pro vobis et aliis etiam personis omnibus et singulis quarum interest, intererit recipienti, paciscenti ach etiam legittime stipulanti, iudicium cisti et iudicatum solvi cum suis clausulis universis. Et nos, dictis nominibus, dicteque universitates et singulares earundem semper habere ratum, gratum, validum atque firmum omne id et quichquid per vos, dictum sindicum, actorem et procuratorem nostrum et dictarum universitatum et singularium earundem et substituendum vel substituendos a vobis pocuratum et actum fuerit sive gestum et nullo tempore revocare sub omnium et singulorum earundem ypoteca et obligacione.

Actum est hoc in predicta Domo Consilii, die vicesima secunda mensis desembris, anno a nativitate Domini millesimo quingentesimo tricesimo sexto.

Sig+++++na nostrum Petri Martiris Viciat, Ioannis Regí, Bortholomei Casal, Bernardi Ponsarnaut, Anthonii Pont, Bernardi Casal, Ioannis Areny, Ioannis Mas, Ioannis Cella, Ioannis Plan, Bernardi Plan, Petri Pal, Raymundi Querol, Ioannis Giberga, Ioannis Capella, Ioannis Torres, Guillermi Babot, Bortholomei Ricart, Raymundi Ribot, Bortholomei Guiem, Ioannis Beringuer, Guillermi Migavila, Micaelis Albinyà, Gasparis Migavila predictorum, qui, dictis nominibus, hech laudamus, concedimus, firmamus et iuramus.

Testes huius rey sunt: Micael Guillamó et Ioannes Guillemó, ambo loci Andorre habitatores<sup>1</sup>.

1. *Document barrat amb tres línies verticals que indiquen que es va fer la redacció en pública forma.*